



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno DCCCCX. ad annum MLXXIII.

Parisiis, 1644

Concilium Mosomense, In Qvo Sedes Rhemensis Artaldo iterum
adiudicata, Hugoni communio vsque ad generalem Synodum interdicta
est, mense Ianuario celebratum anno DCCCCXLVIII.

urn:nbn:de:hbz:466:1-15625

ANNO
CHRISTI
947.

taldo conceditur. Hugo autem præful in Mosomo comorari permittitur. *Et post alia* : Synodus prædicta Viriduni habita est, præfidente Rotberto Treuerensi præfule, cum Artaldo Rhemenfi, Odolrico Aquenfi, Adelberone Metenfi, Goslino Tullenfi, Hildebaldo Transrhenenfi Mimegardovrdenfi, Israele Brittone, præfente Brunone abbate fratre regis Ottonis, Agenoldo quoque, & Odilone, cum aliis quibusdam venerandis abbatibus. Ad quam Hugo episcopus euocatus, missis etiam duobus ad eum deducendum episcopis Adalberone & Goslino, venire noluit. Vniuersa vero Synodus domno Artaldo Rhemenfi tenendum adiudicauit episcopium. Indicitur iterum Synodus Idibus Ianuarii habenda.

ANNO
CHRISTI
948.

CONCILIVM MOSOMENSE,
IN QVO SEDES RHEMENSIS ARTALDO
iterum adiudicata, Hugoni communio vsque ad generalem Synodum interdicta est, mense Ianuario celebratum anno DCCCCXLVIII.

FLODOARDVS *idem in chronico.* Anno, *inquit,* DCCCCXLVIII. Synodus prædicta celebratur in ecclesia sancti Petri, ante prospectum castri Mosomi, a domno Rotberto ceterisque Treuerensis diœceseos episcopis, & aliquibus Rhemenfis. Veniens autem illuc Hugo præful, & locutus cum Rotberto, Synodum noluit ingredi: literas vero quasdam ex nomine Agapiti papæ misit ad episcopos per clericum suum, qui eas Roma detulerat, nihil auctoritatis canonicæ continentes, hoc tantum præcipientes, vt Hugoni Rhemenfi redderetur episcopium. Quibus lectis, ineuntes episcopi consilium cum abbatibus & ceteris sapientibus qui aderant, responderunt non esse dignum vel congruum, vt mandatum legationis apostolicæ, quam dudum Rotbertus archiepiscopus, deferente Friderico præfule Moguntiacensi, coram regibus & episcopis tam Galliæ quam Germaniæ susceperat, & partem iam præceptionis ipsius exegerat, propter illas literas intermitteret, quas infidiator Artaldi præfulis exhibebat: imo quod regulariter cœptum fuerat, canonicè pertractaretur. Sicque præceptum

est, vt recitaretur capitulum XIX. Carthaginensis Concilii de accusato & accusatore. Quo recitato, iudicatum est secundum definitionem ipsius capituli, vt Artaldo præfule retinente communionem & parochiam Rhemensem, Hugo, qui ad duas Synodos euocatus venire contempserat, a communionem & regimine Rhemensis episcopii abstineret, donec ad vniuersalem Synodum, quæ indicebatur Kalendis Augusti, se purgaturus occurreret. Ipsumque capitulum mox in charta describi fecerunt episcopi coram se, subnectentes hanc etiam definitionem suam, & eidem Hugoni miserunt. Qui post alteram diem eandem chartam Rotberto præfule remisit, hoc verbis remandans, quod ipsorum iudicio nequaquam obediturus esset.

CONCILIVM ENGILENHEIMENSE,

IN QVO ARTALDO SEDES RHEMENSIS restituta, Hugo comes Ludouico regi perduellis excommunicatus est, præfidente Marino sedis apostolicæ legato celebratum indictione VI. septimo Idus Iunias, anno Christi DCCCXLVIII. Agapeti II. papæ anno II. Ludouici eiusdem transmarini regis, qui Concilio aderat, anno XIII.

TITVLI CANONVM.

- | | |
|--|--|
| I. Hugo comes, qui Ludouici regnum infestabat, excommunicatus. | V. Vt laici presbyteros non vexent. |
| II. Artaldo sedes Rhemensis restituta: Hugoni, qui eam usurpabat, anathema dictum. | VI. Quot diebus feriandum sit in pascha & pentecoste. |
| III. Hugo idem comes ob episcopum Laudunensem sede sua eiectum excommunicatus. | VII. Vt in litania maiore ieiunetur. |
| IV. Vt laici sine licentia episcopi ecclesias non dent, nec auferant. | VIII. Vt oblationes altaris a laicis non attingantur. |
| | IX. Vt decimarum cause non apud saculares, sed in Synodo discutiantur. |
| | X. De incestis nuptiis. |

PRÆFATIO.

IN nomine sanctæ & indiuiduæ Trinitatis. Anno ab incarnatione Domini DCCCXLVIII. indictione VI. VII. Idus Iunias,